

衡陽縣志卷之十二

沔陽李光笈

知縣事昌樂閻肇烺纂修

仁和嚴煥

公署

公署者聽政之所一官有一官之職一日有一日之事非徒壯觀瞻侈宴游也心如水平乃可門如市不則夙夜在公毋尸毋素彼環而聽命者皆有以養其欲而給其求庶臨民之道得矣進思盡忠退思補過可傳舍視之乎

衡陽縣志

卷之十二

公署

一

學院行署

在縣治左舊察院司順治十三年知縣余天溥督建每歲學院按臨搭棚考試康熙五十二年知府高坦置瓦廡分列東西文場五十九年庠生劉世顯王廷正雷來春等具呈撫院王之樞增南北號舍十間共得二千三百餘號每座寬二尺許知府金依堯攝縣事修堂庭造棹欂俱堅厚可久乾隆二十三年闔屬紳士王振聲羅士望丁承智李鯤鄒肇最王福暉蔣一璉王福悠鄒元錫伍啟玉王萬資單仕柱馬芳齡等具呈府縣申詳司院一概鼎新大門儀門前堂後

廡移而少東軒昂堅固視前有加場舍偪狹移儀門大門近南兼買民舍以擴其地前康熙間所增南北文場橫於東文場之東以堂廡倚西故也堂廡既移文場俱左右列左爲東文場共六百七十二號東之東爲又東文場共八百四十號右爲西文場共六百七十二號西之西爲又西文場共八百八十二號總計三千零六十六號各通甬道規模整齊布置之法皆倣省城院署經始於二十三年落成於二十五年約費四千餘金知府饒侗有記

衡永郴桂道署

衡陽縣志

卷之十二

公署

二

在府學後衡州舊設兵巡道康熙六年奉裁署廢康熙九年復設衡永郴道駐劄永州康熙十九年改駐衡州署廡一新於正街巷口立坊額曰湖南重鎮雍正十年改桂陽州爲直隸州歸道轄署仍舊

衡州府署

宋代建於城東北隅元末燬於兵明洪武三年知府高從訓始建正統中知府鄒良重修成化間知府何珣復新之萬歷二十一年知府陸志孝大修明末經寇氛諸廡署悉煨燼惟府後廡僅存

本朝順治十二年知府范明宗始營葺正堂及左右六

房順治十五年知府李光座置後堂五間匾曰居□  
康熙初知府張奇勛增修康熙十八年知府于養性  
復修雍正六年知府孫元復修

通判署

在府署儀門東康熙二年通判呂之繹建

衡陽縣署

在府城小西門內明洪武初建正統七年知縣林靖  
重修萬曆十七年知縣胡遵化大修明末燬於兵  
本朝順治十五年知縣余天溥重建康熙四十年知縣  
陳大音重修乾隆二十六年知縣陶易重修大堂曰

衡陽縣志

卷之十二

公署

三

中和堂二堂曰思補堂二堂東爲崇文閣知縣陶易  
建二堂西爲冬愛軒又西爲惜陰書屋知縣陶易重  
修又買回署後官塘一區並基地建草堂其上題曰  
買池軒學政吳鴻有詩詠其事

衡陽縣教諭署

歷在小西門外學宮旁兵火後官賃民房康熙四十  
年教諭楊亦溥商邑紳衿捐丁銀置買瀟湘門內房  
屋一座後佃伍姓地豎立住屋三間大門一間在觀  
音庵後乾隆二十七年教諭周世宅牒縣詳請改建  
學宮旁明倫堂後空地其改建工料用費將瀟湘門

舊署據紳士趙萬里宋士貴劉堯策馮祖綿趙萬程  
劉承懋馬芳齡等公議賣與鄉紳何泰銀一百四十  
八兩作遷改之資教諭周世宅亦捐俸助建爲住房  
一進四間書房三間廚房一所頭門一棟四櫺三間  
牒請本縣陶易詳報迨後陸續修葺嘉慶二十三年  
教諭曾潏復修

### 衡陽縣縣丞署

舊在瀟湘門內乾隆二十一年移駐渣江乾隆三十  
八年詳請修理一次乾隆五十九年修理一次嘉慶  
十七年修理一次

## 衡陽縣志

### 卷之十二

公署

四

### 衡陽縣典史署

舊無署賃民房居住乾隆三十年買餘字號謝姓坐  
落西門內木架瓦民房一棟乾隆三十三年典史江  
嵩年奉文給屋價並改建銀三百零六兩七錢一分  
建置

### 衡州協鎮署

在城西舊王城之西

### 都司署

在城西協鎮署之南少西

### 千總署

在廢王城中正街之西

倉廩附

漕倉

在北門外卽臨烝驛故地順治十二年經略洪承疇駐石鼓督運儲始建今收漕糧在此

常平倉

在縣署側計二十一間

社倉

八所一在城內一在縣西延壽寺一在赤石寺一在唐福寺一在峴山寺一在大西林一在集福寺一在

衡陽縣志

卷之十二

公署

五

臺衝寺